

裏謳周氏族譜

卷一

長房清隱 17

二房耕隱 42

三房漁隱 102之二

四房牧隱 150

周氏啓世源流(周夢日作番禺郭岡房萬曆時人)

粵考我周分姓受氏之始以國爲姓所從來遠矣始自平王少子烈食采汝墳因以爲氏報王之後儕於庶人聚居汝南爲汝南著姓漢興求周後得嘉封之三十里號曰周子南君比列侯以奉先祀於汝南此周姓系本汝南之始也厥後或徙居安城或汝陽或永安或黃岡至濂溪之後或光州固始縣或九江或吉水或浙江錢塘或蘇州或漢陽或閩粵皆以漢宣帝時決曹掾虞賓有祖至晉揚州都督浚本汝南安城人生子曰顗曰嵩(別作高誤)曰謨顗至尙書左僕射嵩拜御史中丞謨亦顯於時至唐有崇昌爲廉白二州太守因卜居於道之寧遠縣太陽村裔孫虞賓有子十二人仲子從遠始遷營道縣生子曰智強智強生五子長曰識(一作軾)次曰鐸三曰正四曰懷五曰伯高(一作輅)懷更名輔成先娶唐氏生子曰礪礪生子曰仲章仲章生子曰緄官承事郎知興業縣繼娶鄭氏生子曰惇頤先娶陸氏又娶蒲氏生子二人長曰壽次曰齋皆登進士壽生六子皆居江州齋生二子長曰續次曰綱綱子四正卿直卿良卿賢卿綱仕爲光州固始縣丞子一曰彥卿彥卿子曰澹卽復雷復雷生三子曰應奎應喜應宗正卿字卜世還居故里直卿字卜年治產占籍粵東番禺居荷塘里生子九人長宣仁次宣義俱未遷三宣禮未知何遷四宣智遷南海九江州水社五宣忠遷東莞樟村六宣信遷順德七宣謨不知所遷八宣烈遷廣西賓州九宣猷遷東莞荔枝園今分五大房仙溪墩頭凹頭黃塘湖山並村四境同一房其餘遷徙

裏村周氏族譜

卷一

周氏啓世源流
元公年表

一

里爵未能盡詳而廣郡之支尙有可據因而輯之俾知嶺南之有周氏自直卿公始實自通老公齋始然元公熙甯元年曾爲廣南東路轉運判官四年轉東路提點刑獄洗冤澤物多遺愛焉後人竊濂溪書院於春風橋北以志思慕進而邇之故當以元公爲第一世也

元公年表

宋山陽度正編輯

元公諱惇實改諱惇頤字茂叔讀書濂溪旁因爲號公年十三志趣高遠吟風弄月嘗釣于溪亭之上十五歲失恃依舅氏龍圖閣學士鄭珣行誼著聞景祐三年奏補試將作監主簿(將作監掌營繕宮室之官其屬有主簿秩正九品)二十一歲七月初六日母鄭氏卒葬于丹徒縣龍圖公墓側二十四歲釋服從吏部調分甯主簿(今江西南昌府屬)二十五歲慶歷元年時分甯縣有獄不決公至一決立辨士大夫交口稱服慶歷四年二十八歲部使者以才奏舉南安軍司理叅軍(江西南安府)慶歷五年二十九歲南安獄有囚法不當死轉運使王逵欲深治之公持不可不聽置手版歸取告身委之去(告身敕誥也)曰殺人以媚人吾不爲也逵感悟囚得不死且賢先生薦之於朝慶歷六年丙戌三十歲大理寺丞程公珣視公氣宇非常知深於道者令二子師之卽明道伊川也是年以王逵薦移郴州郴縣令州守李初平知其賢不以屬吏遇之日就先生論學深有所得三十四歲改桂陽令在郴桂皆有政績諸公交薦之至和元年三十八歲改大理寺丞知洪州南昌縣南昌人皆喜嘉祐元年年四十生子曰壽(陸縣君出本奇槎譜)改太子

中舍人僉書合州判官事(中舍人秩比中允正六品宋初置諸州通判秩正六品合州今四川)嘉祐二年四十一歲轉殿中丞加五品服仍判合州嘉祐三年四十二歲給雲縣君陸氏卒(縉雲縣今浙江處州府)四年年四十三左丞蒲宗孟以妹歸之爲公繼室封德化縣君(德化江西九江府)四十四歲嘉祐五年庚子六月初九被臺檄按赤永縣簿書解職東歸嘉祐六年四十五歲遷國子博士通判虔州是年生子濬蒲縣君出(奇槎房譜)嘉祐八年癸巳四十七歲四月壬申朔英宗登極遷虞部員外郎仍判虔州追贈父爵郎中五月作愛蓮說英宗治平元年四十八歲虔民失火焚千餘家移判永州治平四年丁未五十一歲携二子歸春陵展墓(時壽十二歲濬七歲)神宗登極遷朝奉郎尚書駕部員外郎加贈父諫議大夫神宗熙寧元年戊申五十二歲擢廣南東路轉運判官熙寧三年庚戌五十四歲轉虞部郎中擢提點廣南東路刑獄行部所至不憚險阻瘴癘務以洗冤澤物爲已任俄得疾聞水趨仙居縣太君鄭氏墓遂乞南康改葬鄭太君墓於江州德化縣清泉社三起山時十二月十六日也熙寧五年壬子五十六歲上南康印分司南京而歸平日俸祿悉周宗族奉賓客妻子饘粥不給不以介意以廬阜向嘗築書堂其麓遂定居焉熙寧六年癸丑五十七歲清獻公再尹成都聞公去官拜章乞留朝命及門而公卒矣時六月七日也以十一月二十一日葬於仙居縣鄭太君墓左從遺命也二子壽濬皆補太廟齋郎壽以元豐五年黃裳榜登第官至司封郎中壽以元祐三年李裳榜登第官徽猷閣

裏村周氏族譜

卷一

元公年表
濂溪祠堂書院興廢原委

二

待制誥授朝議大夫贈通奉大夫公所著有太極圖易說易通鄉賦愛蓮說養心亭及詩文數十首易說逸餘並行於世後以二子顯累贈宣奉大夫嘉定十三年賜諡曰元惇祐元年追贈汝南伯從祀孔廟元延祐六年加封道國公明景泰七年官其後裔世襲翰林院博士

濂溪祠堂書院興廢原委

茅岡瑞生夢石謹誌

濂溪書院有祠焉以祀濂溪元公蓋始於宋淳熙二年也公以宋神宗熙寧元年擢廣南東路轉運判官四年轉東路提點刑獄以洗冤澤物爲已任嶺海之間多遺愛焉羊城尤親沐浴化者也既去後人思之敕建書院於春風橋北以祀之橋在武安山南番禺縣志廣東通志廣府志羊城古鈔張明先考古記畧俱同胡榮愛蓮亭記則云廣城西南隅樂洲之上有濂溪書院屋凡數十楹中祠周元公莫詳所始及考廣東舊通志宋孝宗淳熙二年唐儀之爲廣南東路提點刑獄既下車在韶首建濂溪祠張拭爲之記羊城之鄉建濂溪書院應亦在此時皆官司致祭迨元季毀按南海志督學署占蹟畧明宣德三年戊申歲復建濂溪書院於藥州西郎奉眞觀改爲市舶公館舊址也迨正統二年丁巳提學副使林廷玉重修之改曰崇正書院填池之半植禾其中有無名子題於楹曰當日紅蕖蘸碧波薰風時節一來過於今景色非前度誰道元公又愛禾林見之大笑亟命植蓮環亭(丙午雜記)時少保楊公溥爲記天順八年甲申監察御史涂公伯輔名棻立愛蓮亭於池北成化七年辛卯按察使祁陽甯良(按甯公名良字元卷)乃移亭池中書

愛蓮說於楣提學僉事胡榮爲記其文刻池東大石上番禺志則謂成化四年戊子叅政張瓚建光霽亭七年辛卯復建愛蓮亭至嘉靖元年壬午提學副使魏校改書院爲提學署遷書院於粵秀山麓萬曆年間乃爲異姓雜流所踞於是衆子孫舉人廷選光祖茅岡房夢日合族紳士呈請督撫出示驅逐修復祠院隆興祀典夢日復合修譜畧以序宗枋於是子姓兄弟得與於祭迨明季又廢至康熙二十六年 國家崇儒重道 詔天下修復先賢書院番禺志羊城古鈔則謂巡撫李士楨檄南番二縣改建於新城糧道舊署仍有書舍給諸生讀書通志又謂是年李士楨改建於清水濠而濠溪祠內康熙五十五年碑記則謂康熙二十四年 詔天下修復宋明諸賢祠以我元公爲首故聚族相商以爲粵秀山麓 祖祠舊址非不可稽觀蓮故居宛然如在乃或爲官衙或爲民舍勢難興復相地之靈仙湖爲勝遂買宅建祠西安賢靈東爲書舍兩宅並設三十餘年又爲豪強佔踞此指梁佩蘭也幸我子孫協力同心修復祠宇此則今祠也至書院之在小馬站也按蘇德芳謝泗飛送良田古塋二庄田入書院亦康熙二十六年呈內云天台鄉建書院是當李撫台時創建即在小馬站也時叶文禮祿合族屬鼎力以建復書院李撫台准撥良田古塋二庄田一十二頃二十三畝零七分以爲祀典有餘給子孫諸生讀書燈油之費禮至隆也厥後積有贏餘置買城廂內外各舖舍貯息捐助以脩修葺祠院勉勵好學之費日久又被族不肖吞沒嘉慶間仙溪房天深三水房奕年九江房文禮玕濬房祖熊等追復舖舍收租貯息十四年

裏村周氏族譜

卷一

濠溪祠堂書院興廢原委
廣州濠溪小記

三

修祠宇十八年修復書院凡諸廢次第具舉以有今日凡我子姓兄弟溯厥所元世守勿替則我太祖元公遺澤益長矣

時道光二十六年丙午記

廣州濠溪小記 (由簞竹房錄出)

粵稽濠溪公生於宋眞宗天禧元年上接孔孟之傳下開洛閩之學歷代褒崇有由然也熙甯間任廣東提刑遺愛在粵又其次子燾之後卜居省城之南觀蓮街則建祠享祀我廣州其容已乎前人於會省春風橋北建祠崇祀每歲春秋有司致祭嘉靖元年改建粵秀山麓祀典不替詳載廣州志明季兵燹後祠廟蕩然無存幸逢 熙朝崇文重道於康熙二十四年 詔令修復先賢祠宇於是子姓仰體 朝廷至意東邑裔孫叶文會集各邑族衆迪萬等議每房捐銀貳拾兩丙寅春買授仙湖街劉麟祥屋一間東四進西三進左邊餘地一段街前小屋八間價銀叁百柒拾兩具呈巡撫李給示送扁額卜吉奉濠溪祖神像陞座詎料勢宦梁佩蘭誑狀瞞控巡撫稱先年與陳司臣買受又營求在朝當權者書札囑巡撫將軍批行堂官審理聽魏徇情曲斷遂爲佔踞丁卯春另備銀買受高第街尙書葉翰林龔房屋六進至濠將前面舖四間以爲週年香燈守祠之需大堂後段爲丹墀兩廡蓋一拱蓬連接三堂秋七月念四日陞座中間安奉 濠溪祖二世三世四世居東列祖居西後樓上安奉遠祖三位尊卑有序位次秩然棟宇軒翥以價料未足各

房加銀拾兩共成厥美遞年春秋冬至俎豆薦馨將謂享祀無疆矣乃庚午奉旨鑄錢卜地建局又取我祠而廣之族衆忖思普天皆屬王土不得已俯從五月初四日藩司給回價銀伍百四拾兩復買豪畔街倪端臣房屋一連四進左旁書房三間辛未年復卜吉陞座祠雖遷變而崇祀之心無異惟我後人相繩於勿替可也

皆

康熙五十年歲次辛卯冬至日裔孫家儒謹識

議建復祠堂祀元公暨各房列祖疏(由墩頭房錄出)

我周氏之先自帝嚳生后稷至太王邑於周及漢興封周後於汝南以國爲姓所從來遠矣迨至中葉子孫分散吳有周處徐有周勃越有周禮晉有周頴閩有周弼爲世名賢皆汝南之後也至宋天禧元年潁溪元公挺生於楚博學力行著太極圖明天理之根源究萬物之終始宗述孔孟繼往開來大有功於先後實我周姓之百代儒宗也熙甯間爲廣東轉運判官陞東路提點刑獄其後人綢繆蓮亭於天嶺岡側以誌思慕生二子長曰壽次曰燾皆蔭太廟齊郎皆登進士元祐七年壽奉璽書過珠江觀蓮亭遺跡愛其風土令其子綰爲東路千總遣長孫正卿還居道州次孫直卿居廣東占籍番禺五羊之有周氏蓋自直卿公始焉直卿公生九子其後雲礽衆盛或居省城或徙而南海而順德而東莞不一其處支派蕃衍不可得而序已噫人之同姓皆房一祖迨

裏村周氏族譜

卷一

議建復祠堂祀元公暨各房列祖疏

四

傳之既久竟與途人無異者蓋無所以聯之也即以堯之周氏論之族處者十餘鄉星羅棋置不勝計數歷代以來先型未遠文獻具存即徙遷不一究其本源共爲一脈今各房雖就地立祠以奉其祖而未建大宗崇祀元公殊爲缺典譬之水焉千流萬派而必滙源於其宗譬之木焉連枝合抱而必托始於其本況元公以覺世大賢天下百世咸俎豆之矧吾子姓乎今議合吾粵之子姓獨金建祠潔蒸奉祀正饗元公各房奉祖配之春秋兩舉庶聯一姓而萃渙焉是猶水之萬派而滙宗木之連抱而托本也將見闔族公孫歲時倫序悉相勸過相規患難相扶持貧乏相周恤式相好無相尤型仁講讓化成親睦則建宗祠之大有造豈鮮淺哉謹疏

履亨

翰贊

康熙十四年乙卯上巳裔孫

茂禎

昌

等頓首具疏

子麟

遇春

夢石觀此乃知各房聯合之由後人毋墮前修可也

費城濂溪公祠周氏族譜(開平李村茅岡在濂溪祠爲第一班值事與順德北滘芳

澤大洲二房同一班)

從遠公(宋馬指揮使始居湖北營道州生一子名智強)

智強公(生五子長識宋天聖五年進士汀洲上杭令)

次(詳宋舉神童官僕射生一子)

三正(未試用)

四伯高(即用)

五輔成

輔成公(宋進士賀州桂嶺令屢贈諫議大夫娶鄭氏生二子長礪次惇頤)

惇頤公(字茂叔號濂溪爲宋廣東轉運判官陞東路提點刑獄壽七十七歲娶陸氏誥封德化

縣君繼娶蒲氏誥封縉雲縣君生二子長壽次燾)

壽公(宋進士還居營道州)

燾公(字通老元祐三年進士授太廟齋郎歷官寶文閣待制娶魏氏生三子長續次綱三緄

因父官嶺南遂立籍番禺)

緄公(字慶長一字汝衍東路千總蔭奉議郎新州通判娶婁氏生四子長正卿次直卿三賢

卿四良卿)

正卿翁(還居道州)

直卿翁(字卜年號天統官正千戶娶許氏繼娶秦氏生九子)

長溥(字宣仁)

次浩(字宣義)

三法(字宣禮)

四澄(字宣智遷南海)

五清(字宣忠遷樟村)

六藹(字宣信遷順德)

七泓(字宣謨生二子)

八洪(字宣烈遷廣西)

九澗(字宣猷遷東莞)

賢卿翁(無考)

裏村周氏族譜

卷一

濂溪公祠族譜裏村茅岡房序

五

良卿翁(生一子)

法翁(字宣禮宋節度使娶冼氏生三子長鳳岡次鳳池三鳳山始遷新會)(兆齡謹按此行

疑卽後人附人)

鳳岡翁(宋福建莆田教諭娶羅氏管氏生六子長天衛次天與三天錫四天詔五天祐六天奇)

濂溪公祠族譜裏村茅岡房序

開平縣裏村茅岡房

濂溪公次字燾之後也燾字通老宋元祐三年進士娶魏氏生三子長名

續字慶長東路千總始立籍廣州番禺娶婁氏生四子次子直卿字卜年官至千戶娶許氏秦氏

生九子三名法字宣禮官節度使娶冼氏生三子長鳳岡福建莆田教諭自漳州城詩書街遷居

於新會西門西墩娶羅氏管氏生六子四子天詔由新會西墩遷居於開平縣平康都茅岡鄉遂爲茅岡之始遷


爲裏村之始遷祖焉次子天與亦由新會西墩遷居于開平縣平康都茅岡鄉遂爲茅岡之始遷

祖焉裏村茅岡比隣而居相連數十餘里人殷富俗敦龐遠近咸稱爲望族今因廣州城濂溪公

祠纂修族譜是以上稽祖考下述旁親一以寄木本水源之思一以昭花萼聯輝之美於是爲序


(兆齡謹按此序以鳳岡翁爲宣禮公長子疑誤)

大清道光二十七年歲次丁未孟春穀旦



裏村周氏族譜


卷一



裏村周氏族譜

卷一


七



裏村周氏族譜

卷一

八



天詔翁囑書父鳳岡娶羅氏生天衛續娶堯氏生天與天錫天詔鳳岡翁與管氏安人全葬豬肺地上名鷄心頂離平山村兩墩路看山人馮奕新住平山村離新會城西門廿五六里

黎峒茅岡李村等房

原隸新會平康都三圖戶籍緣明季變亂鞭長不及順治己丑割新會登名古博平康得行四都與恩平長靜一都與新興雙橋一都建立開平縣隸肇府屬隨籍改割今屬開平

始祖直伯翁妣失傳世祖所自出之祖也生長會領一云鳳領次鳳綱一云鳳岡會領妣陳氏生天資天藝一云天奇天祐(諱鑑)

一世祖鳳岡宣教職士配羅氏生天衛續配管氏生天與天錫天詔自廣州城詩書街遷居新會上街生二世祖天衛等考與妣管氏于度宗咸淳年全葬懷仁都土名老虎尾豬肺地形近儋平山村離新會城西門二十餘里妣羅氏葬于土名白蓮池新會城後岡

天詔翁囑書(稿中有塗抹之句)

據吾汝南族譜由鑑照自南京接武而來從上而下班列至詔上古根源因前人失傳懵然不見近祖所遷欲使後日來裔世世接續流傳是以謹書

伯會領伯母陳氏生天資天藝父奉綱天性覺悟篤學之至恩授廩粟佐賢養膳學業日完經授福建莆田司學統習儒生妣羅氏隨任生兄天衛羅氏故棄任辭歸養親直伯翁妣某氏至某某

裏村周氏族譜

卷一 天詔翁囑書

九

七年俱卒殯服三年遷塋後領綱二翁憑七買羊城詩書街地一段房屋四座鋪頭七十二間至昌集六年八月十九日前往詩書街安居奉綱翁昌集十四年將羊城屋地鋪頭對類與領得銀陸百兩零并收拾私財將及三千携家遊學于古岡州賃屋棲安設館後置上街地一段屋大小三座園圍併餘地外三十六丈永爲棲身基業至昌集十七年生天詔及長娶同邑李氏續買平康里秋風嶺李村等處田地塘共稅七頃零與兄天衛天與天錫囑祖姑拈闈詔得平康里業父奉綱母管氏終亡殯豬肺地喪禮訖移居就便管業生男三人平甫和甫端甫承父舊業並自己增置田產畧足平生之願今將土名舊業榜涌瀧水里等處租穀五百餘石及魚塘地段與季男端甫日後管業就居其平康里李村等處田畝地段分授和甫平甫二男管業居守使後世備知

根因

平康里住人周亞康有祖父天詔娶祖母李氏合生父善翁叔和甫端甫姑三姑父于元朝成宗大德五年內娶母鄭氏生姊大妹二妹至大德七年正月初五日祖父天詔壽終之後父善翁于元朝仁宗皇慶二年七月內生亞康延祐三年八月內母鄭氏故此時亞康未及三歲延祐三年二月初九日祖母與父將祖父喪棺同送塋了畢當年三月初五日父又行病放枕下亞康與二姊三人俱係祖母與叔存養祖父祖母存日將遠年自己置到平康里等處田種七百餘石租穀三千六百餘石

魚塘七十二口地兩段山六所祖父喪前後項租科係祖母遞年收管支吾門戶應當差役及娶婦陳氏趙氏與二叔並配姑與李子儼又嫁小姊與譚宗遠等項用度祖母于天曆元年九月內病叔見前病愈加遂請堂伯周文衛姑丈李子儼到來當月十八日祖母對叔及子儼姑丈堂伯文衛及亞康當衆吩咐祖父生前囑我與營運置到平康里等處田種七百餘石魚塘地段立天詔二戶汝南時思橋庵二戶田錢二百共該二十四千文如我死後可將茅岡李村等處租四百石撥作蒸嘗叔侄輪收春秋祭掃庶使香火久遠尚有餘租及山塘地段可兩份平分孝順應當門戶毋得非理破蕩如此囑咐若我終世汝可與叔一依祖父遺言孝順在後將叔嫁娶汝及大姊并我送喪事了當即將田地分開至十九日晚祖母病終于文宗至順元年十月內係叔送葬了當順帝元統三年十一月內大姊叔婚娶訖今亞康成長與叔自願兩份平拆並非房親人等分張自今分後不許反悔如有反悔仰責執囑書赴官告治甘受不孝之罪今將各處村庄租穀土名片坵號段兩份均分具開除茅岡上村下村李村等處共該租穀四百餘石作為蒸嘗亞康與叔兩份輪收時供春秋祭祀餘田亦作兩份各人照單管業

見証姑丈李子儼

見單人黃華卿簽

見單堂伯文衛簽

裏村周氏族譜

卷一 煥然翁囑書

十

元統三年十月

日

立分單侄亞康

立囑書人周煥然嘗竊古人之言爲人生平之志不可無言以遺子孫有祖父周天詔娶祖母李氏生伯周平甫叔端甫父和甫伯娶鄭氏生大姊二姊及兄紹文三人叔娶趙氏生弟紹成父娶母陳氏生長姊周亞姐二姊周二姐及生煥然後生四妹母于文宗至順三年二月內故姊妹四人尙幼係父養育在廣城居住於至正二年長姊許配陳伯彥贅舍同居次姊許配陳紹先父于至正七年二月內在廣城病故煥然與姊守服於至正八年載父棺槨回李村與母棺柩合葬于那旺山值亂被強人發塚其骨石殯於得行都涌潘山所囑咐甥子陳二弟同男周仲常可擇吉日安葬毋使日後久遠遺忘誠爲得罪祖宗九泉之下於至正十四年十月內回縣娶到懷仁里鐘氏爲妻至正十五年始生一子周大弟就年被強寇破亂攜帶妻子出廣復於姊丈陳伯彥同居至正十八年妻子淪亡尙有次妻關氏四姐至正二十年同姐夫挈家搬回登名里寓住於至正二十一年九月內與妻關氏合生一女又於至正二十四年十二月內又生一子仲常四姐於洪武元年病故其時疾病不能行止生子女二人係大姊周一姐抱養有父承祖翁周天詔置買田種七百餘石及魚塘山所地段有父周和甫生前與兄周紹文議將現收租穀一千九百七十石及一應契憑簿籍派作兩份拈闔均分煥然拈得天字一號該租穀九百餘石各人親筆寫立分單一樣二本互相收拾所有宗祖坟墓兄弟兩份遞年輪流掃祀庶使子孫永遠相承煥然父

存之日置到平康里李紹宗田契一紙謳村田契一紙又置沈德和田契一紙又置李政孫秋楓
嶺田契一紙又置周德大橋田契一紙自己置到潮景黃惠卿田契一紙又典到譚彥成田契一
紙有兄周紹文同嫂李氏不幸於至正二十年被亂身故遺下侄周仲昌年幼將兄紹文一應各
庄田畝通同報官立作煥然名戶庶得納糧當役易便今侄仲昌年已成長埋宜將兄面份隨田
稅畝及現充弓兵里長水夫等役各自應當免致以後子孫相累其洪武五年分侄面份田租各
庄收貯令招甲造簿一扇寫開兄周紹文原承祖業各理田塘地段土名四至田種數目佃人姓
名明白及父原兄一應分單數簿付與姊周一姐收執支應門戶候其縣開局將均派田畝該田
六頃八十九畝七分五厘回侄仲昌當差又於至正二十一年流居登名里因爲欠少費用賣過
兄紹文面份古博里潘村田種六石該租穀一十二石又將本里波羅田種該穀三十二石賣與
譚有信男仲常如我沒後須要贖回前田還侄仲昌毋令以後因此爭端洪武五年分庄收到租
穀七百餘石前後支用如我命終所有喪事日用銀穀可造簿令招甲支數付簿以憑通算尚有
租穀仰甥子陳二弟同招甲見數發羅留爲門戶應用毋得分外大破小支自己積下金蓋一雙
重一兩四錢銀蓋一雙重一兩係大姊收貯外銀二百七十五兩指點育男周子昌埋藏緣在廣
出適次姊陳紹先奩飾用過長姊釵鉤鉅器皿衣服該鈔五錠如我風燭之後可將銀秤十兩還大
姊以准原借釵鉤鉅銀兩尚有金銀二百三十兩緣因子女幼單病今連纏多得姊妹育男甥侄親

裏村周氏族譜

卷一

煥然翁囑書

十一

人念義扶持無以酌之可將銀十兩與房姊分銀十五兩與長姊分銀三十五兩與甥侄陳二弟
外銀十兩婚娶支用八兩與侄周仲昌門會三兩招甲五兩五歌四兩張公一兩穀十石育男三
十兩及那洋地一所魚塘一口撥與子昌起屋居住管業尚有餘銀一百一十九兩付與大姊收
貯支持喪禮門戶合用所有田畝租穀數目皆是祖父面份自己增置其七名號段四至盡行供
報在官籍載有出帖可驗如或有人欺凌子女幼單妄行占奪仰陳二弟招甲赴官陳理煥然承
受其基危篤特寫遺書一紙使汝南周仲常收執掌管田地體我生平之志更宜遵守毋令輕易
典賣實爲不孝之罪姑立囑書與男周仲常收執永遠世代爲憑

見囑人周一姐

洪武五年十一月

日立囑書人周煥然

代筆人施爲善

一世祖宣教職士周鳳岡妣堯氏

疑誤當以天詔翁囑書妣羅氏管氏爲正自廣州書街遷居

新會西門葬于懷仁都土名老虎尾近隣平山村

二世祖天詔生於昌集十七年終於元成宗大德七年正月初五日妣李氏終於元泰定大曆元
年九月十九日晚合葬于本圖土名麥堆蟹形乾山巽向係由古岡遷平康都二圖爲李村
之始

三世祖和甫翁於至正七年三月內在廣病故妣陳氏於至順三年二月身故于至正八年合葬于那旺山被強發塚草殯於新寧縣得行都涌潘山土名湖淋頭鎖衡風吹羅帶形坐壬向丙兼亥己近鄰密仲村

四世祖煥然翁葬於平康都那洋甲土名陳九嶺蟠龍形一作牛形巽己向鄰黃岡坪村終于洪武五年十一月妣鍾氏終于至正十八年附葬大水坑妣關氏終于洪武元年葬于那旺甲土名大水坑鴉形丙午向兼亥己

五世祖仲常翁葬于土名早禾嶺又名木山右仙宮形子午向妣方氏適

六世祖松庵翁生於明洪武十五年歲次壬戌八月初七日子時終於明英宗天順二年歲次戊寅閏二月廿九日子時壽七十七歲于天順五年歲次辛巳十二月初四日庚午葬于土名坎頭嶺圓螺灘舌形石碣卜葬丙午向金井深四尺地師上海廖思養後改丁未向

妣梁氏生於洪武十七年歲次甲子終於明宣宗宣德十年歲次乙卯十月初九日壽五十二歲與考同葬大葬金井深七尺

續娶郭氏附葬於土名陳九嶺煥然翁坎右

七世祖竹溪清隱附葬土名陳九嶺煥然翁坎左巽己向妣伍氏葬於土名羅漢山冬瓜甲子形七世祖南陽耕隱葬於土名貓兒嶺貓兒伏鼠形近秋楓嶺村後遷葬於新寧縣上名鎖衡風吹

裏村周氏族譜

卷一

裏村茅岡浮橋壘批

十二

羅帶形和甫翁坎圈左邊灰圈石碑壬丙兼亥己妣余氏葬於得行都峴崗甲土名泉步寶鴨下池形近隣泉步村

七世祖彭溪漁隱葬於土名早禾嶺右仙宮形仲常翁坎左妣謝氏葬於土名金釵形近石炭村七世祖雪林牧隱葬於土名早禾嶺右仙宮形仲常翁墳右妣李氏葬於土名小葵潭風吹羅帶形近泉步村係得行都

七世祖桐窻鳳隱於正統四年被強盜擄去是時生死不知忘其踪跡妣葉氏附葬於土名墳頭嶺圓螺灘舌形

七世祖北岡樵隱妣伍氏合葬於本圖土名太平村龍形近茅岡村

裏村茅岡浮橋壘雍正十四年五月二十四日批

浮橋之田原係老荒爾族佔墾年久局業胥稱係漲塘坪捏作買賣彼此爭奪本應將該田土名丈入官按追租穀姑念工築多年又爲當事起見從寬與爾三房自出之租周鳳岡作爲營業以杜爭端以展孝思爾三房應公同將該處荒熟田畝逐一丈明分別列冊具報立周鳳岡戶名下升科輸稅其熟者每年租穀公收貯作祭祀之費未墾荒田即速動用公項合力開墾並同三房族老矜士公具遵依具覆存案其業胥捏買之田仍收歸名下行糧其收周鳳岡之田亦即退出仍各具退收附卷限於三日清理明白回覆不得分管分輸又滋擾也（署開平縣張勳判）

倉前山后龍頸大路案卷

署開平縣正堂在任守制陳冠世勘得謝才傑等呈承土名倉前村后背過龍塘墘一所周儒荷等呈承大園連村山側荒地一塊名雖各異其地則同緣謝周村庄相近此地居周村之右爲周姓必由之路而即在謝村山背之後爲謝村後山過龍之處相安已數百年矣松柏李巡檢奉委丈荒將此地丈入官荒冊內爲周所有謝則恐其挖鑿斷脉爲謝所有周則恐其堵塞斷路故兩皆赴縣呈承批司勘丈前據司詳請留路地通周出入餘謝承以護村庄議屬兩全批允在案儒荷等再三訴辨固請親勘日因便道細勘地勢情形洵爲合族必爭之區獨承固不可分承亦未妥棄存爲荒終生爭忿查謝周皆係大族比隣而居姻婭世好素稱和睦其爭承斯土一關出入大路一關龍脉風水非若他氏專利起見者比本縣宛商周全之法將此地照丈給周謝兩家合承稅則分歸兩戶均納地仍其舊勿動周不得挖鑿碍謝風水謝不得堵塞碍周家道路並抄判語給與執照各執一紙如前相安有違背者控官究治各宜凜遵立案

雍正十三年三月初八日判

(右付周儒荷等收執此係在硃判抄白)

買受神步上村李德裕屋地數

立絕賣契人神步村李德裕今因遷居湊用緊急無處計備母子酌議願將父親遺下之屋坐落土名神步上村橫過相連二間共二十八桁明桁併連屋後巷共深式丈四尺上至瓦蓋下至地

裏村周氏族譜

卷一

倉前山後龍頭大路案卷
買受神步上村李德裕屋地數

十三

段及門扇牆壁地坎磚石等項另空地一段三份着一名下着一右邊深式丈八尺該下地稅二分一厘四至後開明白門樓巷路通行一概出賣與人取要時價花銀伍拾捌兩六錢正先招本族人等各無銀買次憑中人李道康引至李村周松庵鳳隱樵隱襲美仲和儒壯凌霄彰岐昌五全買酌還價銀依契三面言定二家允肯就日立契交易其銀一足交與李德裕母子接歸應用其屋併地亦即日推與周親永遠管業日後無得收贖反悔其稅現在得行都六圖九甲李錫祚戶立文柱任從收割過戶此係明實明買不是焚賣別人屋地及當屋地重數等情如有不明係德裕全中理明不干買主之事今人用信立絕賣契爲照

計開

一屋宅東至巷

西至立郁屋合棟

北至立色屋

南至道華地爲界

一空地東至巷

西至茂伯祖館

南至塘邊

北至道華地爲界

作中人李道康

乾隆四十四年七月初十日

立絕賣契人李德裕指印

代書人李立阜

見契母周氏掌模

全日領到契內花銀五十八兩六錢正分毫不欠所領是實

立合約人河清里村會叁拾叁份半紳耆遵鑑常哲等緣河清里住居日久人傑地靈是以集會
 內紳耆公議將河清里舊地圖橫過八巷外東西兩邊每邊擴闊壹巷東邊由巷口天字號起至
 荒字號止共八座西邊自巷口日字號起至張字號止共八座另舊地圖東邊第四巷巷口屋地
 壹座長短闊窄俱照舊式于宣統元年七月初六日在河清里燈寮當眾出投不論投銀多寡以
 一半撥歸河清里遷燈寮書館移塘築基等費餘一半歸叁拾叁份半均分所餘南北兩鄉后山
 樹木東西餘地魚塘食井等仍歸叁拾叁份半管業獨西北角山仔係松菴自己的地四至有
 界石炳據至各人在叁拾叁份半地內所種菓竹倘村會宜再擴闊或在所投地內創建立即砍
 伐菓竹無得異言抗阻若自後仍有地出投概歸叁拾叁份半勻派不能再撥與河清里建修此
 係大家情願無有異議即立合約四紙均同一樣菴祖子孫執式紙禮子孫執式紙此據并西邊
 波羅樹一根永遠歸河清里叁拾叁份半管業以爲社嘗支用自後別人不得爭佔


成協	常哲	家駒	神丙	澄常
成和	成樞	昭岳	昭煦	昭燮
宣統元年七月初六立合約人河清里村會幹耆	遵鑑	宗光	昭歌	碧澄
	瑞昌	昭岑	昭來	昭儀
	瑞煥	昭求	嗣常	常亨
				昭雁
				俊常
				的筆

裏村周氏族譜

卷一

河清里合約
 河清里庵祖山仔圖

十四



昭煦投資 昭煦投資 昭煥投資

朝
顯仰

朝達

業璞

朝楊

裏村周氏族譜

楚溢

松菴

儒伏

業保

烈遵投買

張

蒼城濂溪書院光緒三十二年李村茅岡兩族同建院內房舍院側試館俱是兩族各半週年祖期二月上丁公議李村畧近船費銀玖元茅岡稍遠船費銀拾元除分胙照神主外餘俱兩族均分緣舊館與買何姓館銀兩悉平科故也至正座神主茅岡多人卅餘位因主不敷入問我李村讓出當拈主位時立有合約二紙叙明理由茅李各執其一李村交茅岡收執之合約係瑞昌秉筆茅岡交李村收執之合約係傳輝秉筆當時簽名紳耆有成統成榜朝杞成瑤家燦家煥瑞昌傳輝維活等此其畧也

崑

宣統元年七月朔日謹誌

光緒三十四年七月二十日集衆公議學堂畢業條例

- 一由學堂畢業獎給三生者賞花紅銀五大元
- 一由學堂畢業獎給五貢者賞花紅銀拾大元
- 一由學堂畢業獎給舉人者賞花紅銀貳拾元
- 一由學堂畢業獎給進士者賞花紅銀叁拾元
- 一由學堂畢業獎給翰林者賞花紅銀四拾元

裏村周氏族譜

卷一

蒼前濂溪書院節畧
重修裏村族譜序

十六

如獎三及第加賞拾元學穀均食出仕則止舟車等費一切豁免

至旂杆須進士以上方爲起豎緣學堂林立舉貢必多太祖固無如許貲財祠前亦無如許隙地況旂杆務名學堂務實以務實之人蒙務名之弊甚爲大雅君子不取也

重修裏村族譜序

近世之言民族者羣以殖民爲主義吾嘗攷我廣東民族皆中原衣冠裔也蓋名族姓始遷初祖大半來自南雄南雄之先皆來自中原廣府志云中原衣冠北宋時被金人之寇徙居南雄其後廣州土族多發源於此此其証也其由南雄珠璣巷南徙者皆宋度宗咸淳九年十年間事播遷緣起則以謠傳朝廷訪緝逃妃之故一時風聲鶴唳萬衆駭挈眷南竄遂成衆落迄今里巷間談咸淳年三字爲口頭禪爲最古遠之意義而南雄珠璣巷爲先發源之地六百年來婦孺猶能言其故此蓋民族上一重要之歷史也其不與南雄遷徙之列者又皆宦遊而至遭世離亂故宮禾黍寄籍於斯蔚爲國族此又言民族者所當數典而不忘其祖也然無論爲逃難而至爲宦遊而至而其始遷之祖必有強毅獨立之精神而後足以開今日之民族多難興國殷憂啓聖有由然也

齡

自幼時即聞咸淳之年號珠璣巷之名詞稍長入祠堂觀楹聯有派出南雄之語以爲我先世櫛風沐雨必附南雄遷徙者而來也及調查南雄當日移遷時所謂九十七人者並無我始祖鳳岡翁名字檢讀我裏村始遷祖天詔翁囑書但叙乃父鳳岡翁福建莆田司學事及由羊城